

## Месяца июня в 15 день.

Служба явлению чудотворной иконы Воронежския Пресвятыя Владычицы нашея Богородицы и Приснодевы Марии, честнаго и славнаго Ея Одигитрия, иже на Конечновском лесу.

**Стихиры, глас 2. Самогласен.**

Златая кадильнице, ручко и жезле и светильнице светозарный, свитче Божественный, в немже перстом Божиим написася слово, спаси нас, Тебе величающих.

Даруй душам помощь, Богородице, на Тя надеющимся, верным прибежище, избави от бед рабы Твоя, Дево, на Тя бо по Бозе упование возлагаем.

Владычице, Мати Избавителя, прими моление рабов Твоих, аще и недостойне молящихся Тебе, да молишия за ны к Рождшемуся из Тебе. Владычице миру, буди нам избавительница.

**Слава и ныне, глас 5**

Странно чудо явления образа Твоего, Владычице, и несказанно удивляет премирная и ужасает земная, вкупе же и просвещает светоносною благодатию рождаемого от Тебе Христа Бога нашего и Твоею. Егоже моли, Чистая, в Божественном рождестве Твоем подати нам просвещение и велию милость.

**На стиховны стихиры, глас 2. подобен Доме Евграфов**

◊ Всенепорочна Дево, кое Тебе принесем благодарение, яко светозарным пречистыя Твоея из Тебе рождаемого Младенца иконы явлением утвердила еси сердца верных.

**Слыши дщи и виждь, и приклони ухо твое.**

◊ Пресвятая Госпоже Владычице, не забуди нас Твоя рабы, верою поклоняющияся чудотворней Твоей иконе, и благочестно воспевающия Тя. Избави ны Госпоже, от всех бед и напастей.

**Помяну имя твое во всяком роде и роде.**

**О** Всепетая Мати, умилосердися на моление наше, Сына во Твоего и Твое есмы достояние. Вся спаси и помилуй, да вси Тя непрестанно величаем.

**Слава и ныне, глас тойже.**

**Т**ихое прстаннище, обитель Твоя, Богоневесто, явися, всех с верою притекающих, имущи в себе пречестную Твою икону, всем неоскудно благодать подающую, дом, в немже вселися Вышний, спасение мира, Божие освящение подающую верным.

**На велицей вечерни, на Господи воззвах, стихиры, глас 2. под. кими.**

**К**ими чистыми устнами, ублажим Богородицу, честнейшую херувимов, и святейшую сущую серафимов, ангелов же и всех святых славнейшую, Престол Царев непоколебимый, подающую верным в Божественном торжестве Ея богато велию милость.

**К**ия духовныя песни ныне принесем Ти Всечистая, ибо Пречестныя Твоя иконы, пречудным и светозарным ея явлением, пустое место и непроходимое просветила еси, идеже и ныне водворяешися божественною иконою Твоею, всесильным Твоими предстательством миру, непрестанно подаючи велию милость.

**К**ия умиленныя гласы принесоша Ти тогда, Богородице зряще светоносную икону Твою чудно на древе стоящую и светозарными лучами сияющую, благочестивни людие точию с рыданием моляхуся, с плачем взывающе: Владычице, ниспосли щедроты Твоего человеколюбия, посети ны свыше, просвети омраченныя Твоим светозарным явлением и неотступна буди во веки, миру богато подаючи велию милость.

**Что** Ти принесем, Пресвятая Дево за многою Твою благостыню и человеколюбие, яко преславно явися нам Божественное Твое дарование, многочудесная Твоя икона, Богоотроковица Чистая, от нея же Божиею благодатию чудеса происходящими бед

избавляемся, и изобильно приемлем душам же и телом от всяких болезней исцеление и непрестанно почерпаем велию милость.

### **Ины стихиры, глас 5.**

**Радуйся** надеждо наша, Богородице Чистая, радуйся, радость ангелом принимшая. радуйся, рождающая Отчее Божество, радуйся Благословенная, Чистая, Пресвятая Дево, Единая Всепетая, радуйся христианом в бедах скорая помощница и теплая заступница, радуйся православия похвало высокая и славо превнесенная, рождающая Пастыря добраго, нас заблудших разыскавшего. подающего миру велию милость. **(дважды)**

**Радуйся**, Пресвятая Дево, спасения нашего ходатаица. Ты источила еси всем радость и благословение, рождаши без семени плотию Источника благ, краснейшаго добротою паче всех сынов человеческих Иисуса, всего мира Избавителя. И на пречистую руку твою Того носила еси, и ныне пречистым образом видим Его, человеколюбне и светозарно с Тобою являющегося нам на исцеление немощей телесных и во спасение душ наших.

**Радуйся** днесь Российская земля христоролюбивая, слава бо Господня на тебе возсия преславным явлением иконы Богоматере, лученосно бо и дивно явлься всех Бога промыслом, ликуй ныне и веселися прекрасная пустыни, яко восприяла еси свыше возсиявшую Божественную зарю, чудес благодать изливающую, красуйся и светло торжествуй, Пречестная обитель Богоматере, яко уяснилася Твоя доброто прекрасно, имеши бо в себе велие вселенная сокровище, чудную икону Владычицы, преславно на древе явльшуюся, дарующия всем верным велию милость.

### **Глава и ныне глас 5.**

**Днесь** Российская земля веселится с вышними силами свыше, обогатившеся иконою Богоматере, и Христоролюбивое стадо вопиет созывающее: придите, верни, просветитесь в светлом торжестве Богородицы, придите, празднующи, возвеселитесь в чуднем

празднице общия всех Владычицы, придите, и видите Божественное сокровище, всем чудес дары обильно подающее, что убо воздадим Господеву сицевое человеколюбие нам явившему. Пречистый Свой и Его Рождшия образ яко небесный дар нам низпослашему, и верных просветившему, темже наслаждающесе велия Того милосердия, радостно Тому возсылаем гласы благодарныя, Рождшей Того весело воспевающе: слава, Владычице воплощшемуся из Тебе Христу Богу нашему, таковыя благодати нас сподобльшему.

**Таже вход и чтения три ...**

**На литии стихиры, глас 3**

Придите вси празднующи, чудное явление иконы Божия Матери ублажим, преславно бо и Боголепно возсия, еяже святым явлением мир просвещен бысть тем усты и сердцы и песнми и пеними духовными сей святой день со всеми притекающими празднуем светло.

**Глас 8**

Первее написавшейся Твоей иконе Евангельских таин благовестником и к Тебе Царице принесенней да усвоиши ту и сильну соделаеши, спаси чествующия Тя и порадовалася еси яко сущи милостива спасения нашего содетельница. яко уста и глас иконе бывши, яко же и Бога внегда зачинаючи во чреве песнь воспела еси: се от ныне ублажат Мя вси роди и на ту зрящи, глаголаша еси со властью: с сим образом благодать Моя и сила и мы истинно веруем яко се рекла еси Госпоже. сим образом с нами еси, благоговейно предстояще покланяемся Тебе раби Твои, посети ны твоими матерними щедротами.

**Глас 6**

Тебе вси роди человечести хвальныя дары приносят Владычице, и молятся яко Царице и Матери Божией. Пророцы Тя премудро

проповедаша, левити благословиша, апостоли и мученицы исповедаша, царие и князие покланяются, архиереи проповедают, монаси и прости благоговеют, богатии и убозии, сироты и вдовы, и всяк возраст, и всяк преспевание старческое и младенческое под кров Твой державный с верою прибегаем, покрой и соблюди, Госпоже, молитвами Твоими, и спаси от бед души наша.

#### **Глас 4**

**Д**а капаят сладость облацы и вся земля да возрадуется радостно о неизреченной милости Твоей Пречистая чудо бо зримо есть Владычице дивное, яко прежде пустыня всякого обнажена благолепия и никим же проходима и знаема, ныне же Твоим Богомати посещением, место преславно, и обитель яко град прекрасен является, и храм присно светел, в нем же божественное сокровище, чудная икона Твоя Владычице показуется, ея же мы зряще благолепие усердно покланяющесея радостно и страхом целуем ю, страхом греха ради яко недостойни суще, радостию же милости ради, юже подаеши нам рабом Твоим, яко милосерда.

#### **Глава и ныне, глас 8**

**П**риидите вси вернии, притецем в церковь Богоматере, се бо сияет в ней всечестная Ея икона яко светило благочестия. Всех празднлюбных собори благодатию Божиею просвещаючи и греховнаго помрачения тму отгоняючи, чудеса же тамо притекающим преславная содевает и дүхи лукавствия прогоняет, царю убо благочестивому на сопротивныя крепость подает, стена и забрало всея земли бываючи. и обитель Свою прославляеши и вся верныя торжествовати созывает и радостно к Богоматери звати научает: крепость наша и утверждение упование и спасение с Богом. Ты еси Богородице и тебе молимся моли Сына Твоего и Бога нашего да избавит в день судный мучения и сподобит Царствия Своего Небесного.

#### **На стиховны стихиры, глас 2**

**Всем** предстательствуеши Благая, прибегающим с верою в державный Твой покров. Иного бо не имамы грешнии к Богу в бедах и скорбех присно избавления. Обремененнии грехи многими, Мати Бога Вышняго. Темже ти припадаем, избави от всякаго обстояния рабы Твоя.

**Помяну имя Твое во всяком роде и роде**

**Всех** скорбящих радости и обидимых заступнице и алчущих питательнице странных утешение обуреваемых пристанище польных посещение немощных покров и заступнице, жезл старости, Мати Бога Вышняго Ты еси Пречистая потщися, молимся, спастися рабом Твоим.

**Слыши Дщи и виждь и приклони ухо Твое**

**Радуйся** Пречистая Дево, радуйся честный Скипетре царя Христа, радуйся прозявшая Грозд таинный, радуйся Двере небесная и неопалимая Купино, радуйся всемирный Свете. радуйся всех радости, радуйся верных спасение, радуйся Заступнице, всех христиан и прибежище, Владычице.

**Слава и ныне глас 8**

**Радуйся** вселенней похвало, радуйся храме Господень, радуйся Горо преосененная, радуйся всех Прибежище, радуйся Свещнице золотый, радуйся Главо православных честная. Радуйся Марие, Мати Христа Бога, радуйся Раю. Радуйся божественная Трапезо, радуйся Сене, радуйся Ручко всезлатая, радуйся всех Упование.

**Тропарь, глас 2**

**Скорую** помощницу и ходатаицу теплую, Тя, Пречистую Богородицу песнословим, прославляюще явление пречудныя иконы Твоея Воронинския, пределы Череповецкия озарившую и всей России милость даровавшую. Моли, Владычице Премилостивая, Сына Твоего, Христа Бога нашего, исцелити недуги и страсти наша и спастися душам нашим.

### На ўтрени по 1 стихословни седален глас 3

**Людие** благочестивии, правовернии, собории, христонименитии, приступите верно вси, божественному припадающе Божия Матере образу имже исцеление болящим радостно подавает, уязвляет злославныя яко стрела от лука. Нас всех веселящи световидно и благодатию озаряющи молитвами Своими.

### Глава и ныне

**Всю** Тя Бог освяти Деву добрую и непорочную в женах, пророки прообразив честно, иерен благословив, во всякая святых всели, ангелом воспита с Небесе пищу хлеб подая. Сам же Превлагий Единородное Бог Слово вселися в Тя и плотию пройде из Тебе, темже Ти поклоняемся и чтим яко воистину истинную сущую Богородицу.

### По 2 стихословни седален глас 4

**Да** ликовствует светло верных все множество, рыдает же демонское воинство видящи многоименно сияющия праздники Божия Матери, Юже улажаем яко Богоматерь божественными песньми. Идеже во богоприятно славится Богородица Владычица Богоизбранная Отроковица, неприязни падение, христианом же крепкое утверждение.

### Глава и ныне глас 8

○ Тебе радуется, Благодатная, всякая тварь, ангельский собор и человеческий род. Освященный Храме и Раю словесный, девственная похвало, из Нея же Бог воплотися и Младенец бысть, прежде век Бый Бог наш: ложесна во Твоя Престол сотвори и чрево Твое пространнее небес содела. ○ Тебе радуется, Благодатная, всякая тварь,  
слава Тебе.

### Величание

**Достойно** есть величати Тя, Богородице, честнейшую херувим и

славнейшую без сравнения серафим.

**Псалом избранный:** Боже, суд Твой царице даждь, и правду Твою сыну царицы

**По полнее седален, глас 6**

Беспомощным помощь Ты воистину Пречистая Богомати отсюду смиренни Тобою возвышаемся о Тебе высоцей держимся всем Ты еси прибежище и к Богу Всемиловитая Ходатаица

**Слава и ныне глас 1**

Пречитая Твоя икона Богородице Дево врачевство всего мира духовное к нейже прибегающе, Тебе покланяемся и почитаем и лобызаем и чтим исцелений благодать почерпающе от Нея и недугов телесных, и душевных страстей Твоими молитвами свободяемся.

**Прокимен:** Помяну имя Твое во всяком роде и роде.

**Стих:** Слыши дщи и виждь, и приклони ухо Твое.

Всякое дыхание

**Евангелие от Луки, зачало 4**

**По 50 псалме стихира, глас 6**

Се храм пресветел и место священна идеже честная икона Матере Твоея Глове мы же приступим исцеления почерпаем яко спасение нам Тоя ради даровал еси Христе Боже избавление от различных недугов и душам нашим велию милость.

**Канон благодарен Пресвятой Богородице**

Радости приятелище, Тебе подобает радоватися Единей.

**Творение Иосифово, глас 4**



## Песнь 1

**Ирмос:** Отверзү уста моя, и наполнятся Дүха, и слово отрыгну Царице Матери, и явлюся, светло торжествүя, и воспою, радүяся, Тоя чудеса.

**Христовү** книгу одүшевленную, запечатленную Тя Дүхом, великий Архангел, Чистая, зря возглашаше Ти: радүйся, радости приятелище, Сюже праматерняя клятва разрешится.

**Адамово** исправление, радүйся, Дево Богоневесто, адово үмерщвление. Радүйся, Всенепорочная, палато всех Царя. Радүйся, престоле огненный Вседержителя.

**Цвете** неүвядаемый, радүйся, едина прозябшая яблоко благовонное. Радүйся, рождашая благоүханне единого Царя, радүйся неискүсобрачная, мирови спасение.

**Чистоты** сокровище, радүйся, Сюже от падения нашего востахом. Радүйся, сладкоүханный крине, Владычице, верных благоүхаяй, кадило благовонное и миро многоценное.

**Ин канон Одигитрию Пресвятыя Богородицы, творение неромонаха Игнатия, глас 4.**

**Радостно,** Чистая, ныне наставшее хваление приношаю, радүяся, и тихим гласом, Одигитрие, вопию Ти: радүйся и исполни мя разүма, пети начинающа.

**Христа** родившая, радость нам вечнүю, о, радүйся, Всепетая, православным надежда, Одигитрие, всепетая Девице, радости исполни мя мирови желанныя.

**Ликүют** вси человецы и Ангели всегда, согласно вопиюще на небеси и на земли, Одигитрие: радүйся, Девице, радости бо Рождеством Твоим всяческая исполнила еси.

**Радүйся,** Одигитрие, со страхом Ти вопиющих радости сподоби, Мати сүщия радости, избавляющи скорбей всяческих, и всех помилүй, к Тебе прибегающих.

**Катавасия:** Отверзү уста моя

### **Песнь 3**

**Ирмос:** Твоя песнословцы, Богородице, живой и независтный Источниче, лик себе совокүпльшия, дүховно үтверди, в божественней Твоей славе венцев славы сподоби.

**Клас** прозябшая божественный, яко нива неоранная яве, радүйся, одүшевленная трапезо, хлеб животный вмещая: радүйся, животныя воды источниче неистощаемый, Владычице.

**Юница** Юнца рождашая непорочнаго, радүйся, Агнице, рождашая Божияго Агнца, вземлющаго мира всего прегрешения: радүйся, теплое очистил ище.

**Үтро** светлейшее, радүйся едина, Солнце носящая Христа, света жилище: радүйся тьмү разрүшившая, и мрачныя бесы отнюдь отгнавшая.

**Радүйся**, двере едина, Бюже Слово пройде едино, верен и врата адова, Владычице, рождеством Твоим сокрүшившая: радүйся, божественный входе спасаемых, Богоневесто.

### **Ин канон**

**Вышняго** Царя, о, радүйся, непоколебимая Чистая и одүшевленная палато! Радүйся, Одигитрие, радүйся: Тобою нерүшим наш град сохраняется.

**Вместити** Бгоже не возможе тварь, во үтробү неискүсобрачнүю, Одигитрие Девице, телесно вместила еси, темже Ти радүйся поем, по долгү величающе.

**Радость** многопетая мирови, радостно Ти поюще присно, вечнүющая, Чистая, радости сподобляемся Твоими матерними молитвами к Рождшемүся из Тебе, Одигитрие.

**Златую** Тя стамну, и свещник, и жезл, и трапезу, Чистая, призываем, Одигитрие, и глас, еже радуйся, Тебе присно привношаем с сими же имены.

**Седален, глас 8.**

**Божественнии** Слова апостоли, Евангелия Христова велегласнии вселенная благовестницы, божественную церковь создавшее, во пресвятое Твое имя, Богородице и к Тебе, Госпоже, приходят молящее Тя принти на тоя освящение, Ты же, о богомати, рекла еси: идите с миром и аз с вами тамо есмь. Они же шедшее обретают тамо на стене церкви Твоего, Владычице, образа подобие, божественною писано силою, щаровными подобии, и видевшее, поклонишася ти, и прославиша Бога, с ними же и мы божественней Твоей поклоняемся иконе, просящее от Тебе великия милости. Даруй согрешений оставление рабом твоим, Единая Благословенная.

**Слава, и ныне. Той же.**

**Песнь 4**

**Ирмос:** Седяй в славе на Престоле Божества во облаце легце, прииде Иисус пребожественный, нетленною дланию и спасе зовущия: слава, Христе, силе Твоей.

**В** гласех пений, Дево, Тебе вопием всепетая: радуйся тучная гора, и усыренная Духом. Радуйся, свещнице и стамно, манну носящая, услаждающая всех благочестивых чувства.

**О**чистилице миру, радуйся, пречистая Владычице, радуйся, лестнице, от земли всех возвысившия благодатию: радуйся, мосте, воистину преводяй от смерти к животу поющих Тя.

**Небес** превышшая, радуйся, земли основание во Твоих ложеснах, Пречистая, нетрудно носившая: радуйся червленице, багряницу Божественную омочившая от кровей Твоих, Цареве силам.

**Законодавца** рождающая истинного, радуйся Владычице, беззакония всех туне очищающего, неведомая глубино, высоту неизреченная, браконенская, Еюже мы обожихомся.

### **Ин канон**

**Радуйся**, чудо чудесем, Одигитрие Владычице. Радуйся, всем радости градовом, и всем непобедимое христианское в бедах хранилище, и предградие, и на враги побеждение.

**Радуйся**, радуйся, людем православным похвало, и христоролюбивым воинством покров пребываеши всем, Царице. Радуйся, Одигитрие, прибежище всем нам и утверждение.

**Радуйся**, всем скорое в бедах избавление. Радуйся, готовое всем скорбящим утешение. Радуйся, всепетая, радуйся, Одигитрие всеблагословенная, всем немощным целительнице.

**Радуйся**, Еяже величия вся тварь славити убо спешит по достоянию, но не возмощает, Одигитрие, и сего ради зовет Ти: радуйся, Владычице, Боговместимое жилище.

### **Песнь 5**

**Ирмос:** Ужасошася всяческая о божественней славе Твоей: Ты бо, Неискусобрачная Дево, имела еси во утробе над всеми Бога и родила еси Безлетного Сына, всем воспевающим Тя мир подавающая.

**Путь** рождающая жизни, радуйся, пренепорочная, от потопа греховнаго мир спасшая: радуйся, Богоневесто, слышание и глаголение страшное, радуйся, пребывание Владыки твари.

**Крепость** и утверждение человеков, радуйся, Пречистая, место

освящения славы, умерщвление адово, чертоже всесветлый: радуйся, Ангелов радости, радуйся, помощи верно молящихся Тебе.

**О**гнеобразная колеснице Слова, радуйся, Владычице, одушевленный рай, древо посреде имея жизни, Господа: Егоже сладость оживотворяет верою причащающихся, и тли подклонившихся.

**У**крепляеми силою Твоею, верно вопием Ти: радуйся, граде всех Царя, преславная и достослышанная, о Нейже глаголана быша яве, горо несекомая, радуйся, глубино неизмеримая.

### **Ин канон**

**Б**лагостыни бездно и щедротам еси, радуйся, Одигитрие Девице, радуйся, всем радость творящи верным. **О**, радуйся, сущим в бедах и скорбящим пребыстрая Заступнице.

**Р**адуйся, от исполнения величия чудес Твоих зряще, исполняемся, вси незрящии, слышаще же, вернии. Темже радуйся Тебе присно всюду и вси, Одигитрие, поем.

**Х**риста Бога нашего, о, радуйся, Одигитрие, жилище и дом неизреченныя и пребожественныя, Дево, славы Его. **О**, радуйся, палато преукрашенная, радуйся, граде одушевленный, присно царствующий!

**Р**адость неоскудную Тя разсмотряюще, яко море, Отроковице, Одигитрие Девице, радующеся вси, радуйся вопием Ти, и поюще, Божественных даров невидимо присно от Тебе ожидающе.

### **Песнь 6**

**Ирмос:** Божественное сие и всечестное совершающе празднество, богомудрии, Богоматере, придите, руками восплещим, от Ней рождаемого Бога славим.

**Ч**ертоже Слова нескверный, вина всех обожения, радуйся, Пречистая, пророков оглашение, радуйся, Апостолов удобрение.

**О**т Тебе роса укану, пламень многобожия угасившая, тем вопием Ти: радуйся, рюно одушевленное, еже Гедеон, Дево, предвиде.

**Б**е, Тебе, Дево, радуйся, зовем: пристанище нам буди влающимся, и отишии в пучине скорбей, и соблазнов всех борителя.

**Р**адости вина, облагодати наш помысл, еже звати Тебе: радуйся, неопалимая купино, облаче всесветлый, верная непрестанно осеняющий.

### **Ин канон**

**Х**риста, Чистая, приемлющи, глас еже радуйся, Одигитрие Девице, слышаше, Бгоже неизреченно рождши, радуйся от всех слышиши всегда.

**Р**адости вся исполнила еси, вышняя и нижняя Ты совокупила еси, Одигитрие, темже радостно и согласно ныне небо и вся земля зовет Ти.

**В**довам, о, радуйся, всепетая, и всем сирым, Одигитрие, утешение; радуйся, всем источающи нищим богатство неистощимое.

**З**лата всякаго блистаема и утра солнечнаго светлейши, жилище Христово, радуйся, Одигитрие, радуйся, Девице, радуйся, Невесто Неневестная.

### **Кондак, глас 6.**

**Б**огатую в милости Тя почитающе, зовем Ти, Пречистая Владычице: не забуди, Благосердая, люди Твоя, к иконе Твоея чудотворная Воронинския с верою прибегающих, и велигласно вопиющих Ти: Радуйся, Благодатная Дево, нас сирых попечением Своим не оставляющая.

**Икос:** Ангел предстатель с небесе послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней таковая: Радуйся, Еюже радость возсияет; радуйся, Еюже клятва исчезнет. Радуйся, падшаго Адама воззвание; радуйся, слез Евиных избавление. Радуйся, высоту неудобовосходимая человеческими помысли; радуйся, глубино неудобозримая и ангельскими очима. Радуйся, яко еси Царево седалище; радуйся, яко носиши Носящаго вся. Радуйся, звездо, являющая Солнце; радуйся, утрово Божественнаго воплощения. Радуйся, Еюже обновляется тварь; радуйся, Еюже поклоняемся Творцу. Радуйся, Невесто Невестная.

## Песнь 7

**Ирмос:** Не послужиша твари Богомудри паче Создавшего, но, огненное прещение мужески поправше, радовахуся, поюще: препетый отцев Господь и Бог, благословен еси.

**Воспеваем** тя вопиюще: радуйся, колеснице Солнца умнаго, лозо истинная, грозд зрелый возделавшая, вино источающий, души веселящее верою Тя славящих.

**Врача** всех человеков рождающая, радуйся, Богоневесто, жезле тайный, цвет неувядаемый процветший, радуйся, Владычице, Еюже радости наполняемся, и жизнь наследствуем.

**Витийствующий** не может язык, Владычице, песнословити Тя, паче бо Серафимов возвысилася еси, рождши Царя Христа, Егоже моли, всякаго ныне вреда избавитися, верно Тебе поклоняющимся.

**Хвалят** Тя блажаще концы, и любовию зовут тебе: радуйся, свитче, в немже перстом Отчим написася Слово, Чистая: Егоже моли, в книзе животней рабом Твоим написатися, Богородице.

## Ин канон

**Радуйся, радуйся, Богородице Одигитрие, всех и всегда наставляющи верных шествовати ко всякому пути спасительному; радуйся, Владычице, Тобою во присно избавляемся настоящих варварских бед.**

**Радуйся, радуйся, Одигитрие, бдящи и молящися о нас к Богу, и всякия злобы ходатайством Твоим, всяческих скорбей, Богородительнице, всех людей избавляющи.**

**Радуйся, радуйся, Пресвятая Одигитрие, Яже прошения наша к пользе нам исполняющи и хотящи всем присно всегда любодружное благое единство, спешное же во изящных.**

**Радуйся, радуйся, кораблем Одигитрие нужно плавающим, избавляющи верных, и всем избавление от всякия скорби, и недуги пестротных и медленных разрешающи вскоре.**

## **Песнь 8**

**Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действуемое, вселенную всю воздвизает пети Тебе: Господа пойте, дела, и превозносите Его во вся веки.**

**Ложесны Слово прияла еси, вся носящаго носила еси, млеко питала еси, манием питающаго вселенную всю, Чистая. Емуже поем: Господа пойте дела, и превозносите Его во вся веки.**

**Моисей уразуме в купине великое таинство рождества Твоего: отроцы же преобразиша сие явственнее, посреде огня стояще, и неопаляеми, нетленная святая Дево. Тем Тя поем во вся веки.**

**Прежде прелестию обнажившись, в ризу нетления облекохомся рождеством Твоим: и сядши во тьме прегрешений, Свет видехом, Света жилище Отроковице. Тем Тя поем во вся веки.**

**Мертвии Тобою оживляются, жизнь во ипостасную родила еси: немии прежде благоглаголиви бывають, прокаженнии очищаются,**



недѹзи отгоняются, дѹхов воздушных множества побеждаются,  
Дево, человекое спасение.

### **Ин канон**

**Радѹйся**, всеблагословенная Марие, из Тебе бо всеблагословенный Бог одеявся во всего мя, человека, и, одеявся, соедини Своемѹ Божествѹ неизреченным соединением, Дево Одигитрие, радѹйся, Обрадованная, радости всего мира.

**Радѹйся**, лукавых дѹхов прогонительнице; радѹйся, Богородице Одигитрие. Радѹйся, яко Тебе небесная невидимая воинства славословят всегда и величают яко Матерь Божию бывшѹю; радѹйся, Яже нижняя сочтавши с вышними.

**Радѹйся**, всех небесных сил без разсѹждения превосходящая; радѹйся, Одигитрие. Радѹйся, всякия твари Бога рождашая, господствѹющи ей, Владычице всепетая; радѹйся, яко пребываеши Девою, Чистая, и по рождестве.

**Радѹйся**, женам всем славо, храмѹ преосвященный Бога нашего; радѹйся, Одигитрие, радѹйся, дѹшеспасительная всей вселенней; радѹйся, покрывающий облаче, небес ширшая; радѹйся, мироположнице, Божественнаго мира полна.

### **Песнь 9**

**Ирмос:** Всяк земнородный да възиграется, Дѹхом просвещаемь, да торжествѹет же безплотных Ѹмов естество, почитающее священное торжество Богоматере, и да вопиет: радѹйся, Всеблаженная, Богородице, чистая Приснодево.

**Да** Тебе, вернии, радѹйся, зовем, Тобою радости причастницы бывше присносѹщныя, избави нас напастей, варварскаго пленения, и всякия иныя раны за множество, Отроковице, прегрешений находящия человеком согрешающим.

**Явилася** еси просвещение наше и ѹтверждение. Темже вопием Ти:

Радуйся, звезда незаходима, вводящая в мир великое Солнце.  
Радуйся, Едем отверзшая заключенный, Чистая. Радуйся, сосуде,  
миро неистошимое на Тя излианное приемший.

**С**танем благоговейно в дому Бога нашего, и возопим: радуйся,  
миру Владычице, радуйся, Мариє, госпожа всех нас, радуйся,  
единая непорочная в женах и добрая. Радуйся, столпе огненный,  
вводящий в вышнюю жизнь человечество.

**Г**олубице, Милостиваго рождающая, радуйся, Приснодево,  
преподобных всех радуйся похвало, страдальцев венчание. Радуйся  
всех праведных божественное удобрение, и нам верным спасение.

### **Ин канон**

**Р**адуйся, свеще, Свет невечерний понесшая, и в рождестве Твоем  
многобожия тьму разрушившая, и адовы пропасти избавляющая  
люди. Радуйся, Одигитрие Богородице, доброт всех предходатаице.

**Р**адуйся, земле, из неяже клас прозявший небесный верным, и мира  
всего душегубнаго глада избави, разумная и одушевленная. О,  
радуйся, винограде, яже грозд животный рождающая, Богородице  
Чистая Одигитрие!

**Р**адуйся, тайных цветов прекрасный сущий раю; радуйся, Мати  
Дево, невидимых разум чистотою страннолепно побеждаши,  
Богородительнице. Радуйся, Отроковице, радуйся, Одигитрие,  
всемирное чудо и слышание.

**Л**ето живота нашего прочее сохрани невреждено поможением  
Твоим, Дево Отроковице, и сподоби конец благий получитьи нам,  
воспевающим Тя и взывающим: радуйся, всеблаженная  
Богородице, Чистая Одигитрие.

### **Светилен**

**Д**а почтится Всепетая Мати Божия, жизнь сущую рождаши —  
Христа Бога нашего, райских дверей отверзение, и всего мира

очищение, к животу возведение. Сей есть пророком глаголавый,  
Тому поклонимся, Богу и Спасу душ наших.

**Слава, и ныне. Той же.**

**На хвалитех стихиры, глас 4.**

**П**рославим вернии обрадованную Богородицу, паче же во устех наших имамы всегда святое и благословенное имя Ея, непрестанно прибегающе к пречистой Ея и цельбоносней иконе: Тою бо обретаем яже на земли вся благая и полезная, и сущих на воздухе от демонов запинаний избавляемся, яко Мати рождашая всех Творца, спасает от бед души наша.

**Д**а рыдает вечно сонм злочестивых, не исповедающих Тя в рождестве Чистую Богородительницу, и не поклоняющихся пречистой Твоей иконе: вернии же люди радуящиеся исповедуем Тя истинную Деву Богородицу, яко вистинну родила еси плотию Христа Бога нашего. Тление Адамово поправа еси, и от греха весь мир очистила еси, жизнь безконечную даровала еси, райский вход верным отверзла еси Божественным Твоим Рождеством. Егоже моли, спастися нам поющим верно Твое таинство.

**Р**адуется убо и веселится неизреченною радостью, все множество благочестивых: припадающе же поклоняются, вси благоговеют Божии Матери с боязнию, благодаряще Сию по Бозе, яко Бога толиких превеликих благ ходатаицу, в неже желают ангели приникнути, дарова Богородицею верным Христос Бог наш, имеяй множество щедрот, и великую пребогатую милость.

**Глас 8.**

**П**реславно, Богородице во всех странах Тобою хвалится обитель Твоя, Богоневесто, яко имеет в себе чудотворную Твою икону, чудно и преславно явльшуюся, от неяже неизреченныя цельбы приемлющи, благодарственная вопием Тебе, умильно молящее Тя, Пресвятая Дево, спаси души наша, яко милосердая.

**Слава, и ныне, глас той же:**

**С**вятая Твоя и сообразная икона Богородице Дево, благодатию Твоею пребогатый сущий источник, кипящий всей подсолнечней, и светящий всему миру светолучными Святаго Духа сияньми, и исцелений светлостьми. Ты бо Бога Слова плотию несказанно родила еси, от архангела Гавриила сицевая слышавши: радуйся обрадованная, Господь с Тобою, и Дух Святой осенит Тя к зачатию. Такожде рекла еси к первописанной Твоей иконе, на ту зрящи: с тою Моя благодать, и слово Твое со властью иконе бысть. И образ и глас, и сила и дело, и всяк ум превосходящая Божественная благодать, спребывающи вечно, знамения и чудеса непрестанно содевает, и душеполезное исцеление всем верно приходящим подает, Твоими богоматерними непрестанными к Богу молитвами.